

Ғылыми дәрежелер беру және ғылыми атақтар беру тәртібі туралы ЕРЕЖЕ

Күшін жойған

Қаулы Қазақстан Республикасы Мемлекеттік Аттестациялық комитеті 1996 жылғы 12 мамыр N 194-а Қазақстан Республикасының Әділет министрлігінде 1996 жылғы 10 маусымда N 174 тіркелді. Күші жойылды - ҚР Білім және ғылым Министрінің 2001 жылғы 4 маусымдағы N 422 бұйрығымен. ~V011530

"Ғылыми дәрежелер мен ғылыми

атақтар беру ретін анықтайтын
ЕРЕЖЕЛЕРДІ" бекіту және күшіне
ендіру туралы

Ғылым, техника, мәдениет және білім беру салаларын жетілдіру болашақтарына, ерекшеліктеріне және оқулық курстарды, жоғары білім, ғылыми дәрежелер туралы дипломдарды Еуропа (Париж, 1979 ж.) және Азия мен Тынық мұхит (Бангкок, 1983 ж.) мемлекеттерінде мойындау туралы Конвенциялардың ұсыныстарына жауап беретін ғылыми және ғылыми-педагог мамандарды аттестациялауды бірыңғай мемлекеттік саясат жүргізу, сондай-ақ ғылыми дәрежелер мен ғылыми атақтарға ізденушілерге қойылатын талаптардың бірлігін сақтау мақсатында қаулы етемін:

1. Жаңа "Ғылыми дәрежелер мен ғылыми атақтар беру ретін анықтайтын ЕРЕЖЕЛЕР" бекітілсін.

2. Жаңа "Ғылыми дәрежелер мен ғылыми атақтар беру ретін анықтайтын ЕРЕЖЕЛЕР" 1996 жылдың 1-ші шілдесінен күшіне енсін.

3. Қазақстан Республикасы Министрлер Кабинеті жанындағы ЖАК-ның 1993 жылдың 19 сәуіріндегі N 62-ж "Ғылыми дәрежелер мен ғылыми атақтар беру ретін анықтайтын ЕРЕЖЕЛЕРДІ" күшіне ендіру туралы бұйрығы 1996 жылдың 1-ші шілдесінен күшін жойды деп саналсын.

"БЕКІТЕМІН"

Қазақстан Республикасы
МАК-тың Төрағасы

1996 жылғы __ мамыр

Ғылыми дәрежелер беру мен ғылыми атақтар беру
т ә р т і б і т у р а л ы

Е Р Е Ж Е

I. Жалпы принциптері

1. Осы ереже тиісті мамандықтар бойынша ғылым докторы және ғылым кандидаты ғылыми дәрежесін беру, сондай-ақ профессор және доцент ғылыми атақтарын беру тәртібін белгілейді.

Ғылыми дәрежелер, сондай-ақ ғылыми атақтар терең кәсіби білімі бар, әрі ғылымның белгілі бір саласында және ғылыми-педагогтік қызметте жетістіктерге қол жеткізген адамдарға беріледі.

2. Ғылым докторы ғылыми дәрежесін ғылым кандидаты ғылыми дәрежесі бар ізденушінің докторлық даярлық бағдарламасын орындауы мен көпшілік алдында қорғаған диссертациясының нәтижелерін бағалағаннан кейін диссертациялық кеңес қабылдаған өтініштің негізінде, әрі Қазақстан Республикасы Мемлекеттік Аттестациялық комитеті (МАК) тиісті сарапшы кеңесінің қорытындысын ескере отырып, Қазақстан Республикасының МАК-ы береді.

Ғылым кандидаты ғылыми дәрежесін жоғары білімі немесе ғылым магистрі дәрежесі бар ізденушінің кандидаттық даярлық бағдарламасын орындау нәтижелері мен көпшілік алдында қорғаған диссертациясын бағалаудың негізінде диссертациялық кеңес береді. Диссертациялық кеңестің ғылым кандидаты ғылыми дәрежесін беру туралы шешімі оны Қазақстан Республикасының МАК-ы бекіткеннен кейін күшіне енеді.

Осы Ереже талаптарының бұзылғаны анықталған жағдайда Қазақстан Республикасы МАК-ның диссертациялық кеңестердің шешімдерін жоюға қ ұ қ ы ғ ы б а р .

3. Профессор ғылыми атағын жоғары оқу орындарының, ғылыми және соларға теңестірілген ұйымдардың қызметкерлеріне ғылыми (ғылыми-техникалық) кеңестердің ұсынысы бойынша Қазақстан Республикасы МАК-ы тиісті сарапшы кеңестерінің қорытындыларын ескере отырып, Қазақстан Республикасының МАК - ы береді.

4. Доцент ғылыми атағын жоғары оқу орындарының қызметкерлеріне жоғары оқу орындары ғылыми кеңестерінің ұсынысы бойынша Қазақстан Республикасы МАК-ы тиісті сарапшы кеңестерінің қорытындыларын ескере отырып, Қазақстан Республикасының МАК - ы береді.

5. Қазақстан Республикасының МАК-ы ғылыми мекемелерге теңестірілген ұйымдардың, сондай-ақ тиісті министрліктерден, ведомстволардан алған белгіленген үлгідегі лицензиялары бар жекелеген (мемлекеттік емес) жоғары оқу орындарының ғылыми (ғылыми техникалық) кеңестерінің ғылыми-педагог кадрларды аттестациялау саласындағы қызметіне баға беруді жүзеге асырады, әрі оларға осы баға берудің нәтижелері бойынша ізденушілерге ғылыми атақтар беру жөнінде өтініш жасау құқығын береді.

6. Ғылыми докторлары мен ғылым кандидаттарына тиісті мамандықтар бойынша белгіленген үлгідегі дипломдар, ал профессорлар мен доценттерге - аттестаттар тапсырылады.

II. Ғылыми дәреже ізденушілердің даярлығына қойылатын талаптар

7. Ғылым докторы ғылыми дәрежесін ізденушілер (докторанттар): өздерінің тиісті ғылым немесе мамандық саласында жаңа әдістер мен ғылыми жетістіктерді игеру үшін отандық немесе шетелдік жетекші ғылыми және оқу орталықтарында тағлымдамадан (негізгі қызметінен қол үзіп немесе қол үзбей) ө т у і н ;

өзекті тақырыптама бойынша негізгі қағидалары тиісті ғылыми басылымдарда жарияланған докторлық диссертация түріндегі дербес ғылыми зерттеулерінің нәтижелерін ұсынуын қамтитын бағдарламаны орындауға тиіс.

Сонымен қатар, егер кандидаттықпен салыстырғанда докторлық диссертация басқа мамандық бойынша даярланған болса, онда ізденуші жаңа арнаулы пән бойынша кандидаттық емтихан тапсыруға тиіс.

8. Ғылым кандидаты ғылыми дәрежесін ізденушілер: тиісті курстарды (пәндерді) зерделеп, меңгеріп, солар бойынша кандидаттық

емтихандар мен зачеттарды тапсыруды;

өзекті тақырыптама бойынша негізгі қағидалары тиісті ғылыми басылымдарда жарияланған кандидаттық диссертация түріндегі дербес ғылыми зерттеулерінің нәтижелерін ұсынуды қамтитын бағдарламаны орындауға тиіс.

9. Ғылыми дәреже ізденушілерді даярлау бағдарламалардың тиісті диссертациялық кеңестер әзірлеп, бұларды осы кеңестерді құрған ұйымдар бағынатын министрліктермен және ведомстволармен келісіп алады, содан кейін оларды Қазақстан Республикасының МАК-ы бекітеді.

10. Қазақстан Республикасында берілетін ғылыми дәреже жөніндегі дипломдардың халықаралық ауқымда танылуы үшін қолайлы жағдайлар туғызылуын қамтамасыз ету мақсатында ғылыми дәреже ізденушілерді даярлаудың аталған бағдарламалары шетелдердің жетекші ғылыми орталықтарында деңгейлес ғылыми дәреже ізденушілерді даярлауға қойылатын талаптар мен стандарттар ескеріліп әзірленеді және үнемі жаңартылып отырады.

11. Ғылыми дәреже ізденушілерді даярлаудың аталған бағдарламалары енгізілгенге дейінгі кезеңде мынадай талаптар қолданылады:

ғылым кандидаты ғылыми дәрежесін ізденуші философиядан, шет тілінен, арнайы пәннен кандидаттық емтихандар, сондай-ақ ақпараттамадан зачет тапсырады;

әзірлеген диссертация бейіні жағынан ғылым саласына сәйкес келмейтін жоғары білімі бар ізденуші осы ғылым саласына қатысты жалпы ғылыми пән бойынша қосымша кандидаттық емтихан тапсырады;

кандидаттық емтихандар өткізудің тәртібі Қазақстан Республикасының МАК-ының арнаулы нұсқаулығымен айқындалады;

кандидаттық емтихандардың бірүлгі бағдарламаларын тиісті ғылым саласындағы жетекші жоғары оқу орындары мен ғылыми-зерттеу институттары әзірлеп, Қазақстан Республикасының МАК-ы бекітеді;

кандидаттық емтихан тапсырғаны туралы куәлік он жыл бойына жарамды.

III. Диссертацияларға қойылатын талаптар

12. Ғылым докторы ғылыми дәрежесін алуға арналған диссертация ғылыми білікті еңбек болуға тиіс, онда яки автор орындаған іргелі зерттеулердің негізінде алынған, жиынтығын тиісті ғылыми бағытты дамытудағы жаңа ірі жетістік ретінде бағалауға болатын ғылыми нәтижелер, яки ірі әрі басым әлеуметтік-экономикалық, гуманитарлық немесе саяси проблеманың автор әзірлеген жаңа теориялық қағидаларының негізінде алынған шешімнің нәтижелері, яки ел экономикасының технологиялық дамуы үшін зор маңызы бар техника мен технологиялардың белгілі бір түрлерінің автор ұсынған жаңа

ғылыми қағидаларының негізінде жасалған әзірлеменің нәтижелері баяндалуға
т и і с .

13. Ғылым кандидаты ғылыми дәрежесін алуға арналған диссертация ғылыми білікті еңбек болуға тиіс, онда яки білімнің тиісті саласы үшін елеулі маңызы бар басым теориялық міндеттің шешімі болуға, яки маңызды қолданбалы басым міндеттердің шешімін қамтамасыз ететін ғылыми негізделген техникалық, экономикалық, технологиялық немесе басқа да әлеуметтік мәнді әзірлемелер жүзеге асырылуға тиіс .

14. Ғылыми дәреже алуға арналған диссертация арнайы дайындалған қолжазба түрінде ресімделеді .

Диссертацияны ізденушінің жеке өзі жазуға тиіс, онда көпшілік алдында қорғауға ұсынылған, өзекті тақырыпты игеру барысында автор алған жаңа әрі анық ғылыми нәтижелер мен қағидалардың жиынтығы қамтылуға, ол іштей сабақтасып жатуға және автордың ғылымға қосқан жеке үлесін куәландыратын болуға тиіс .

Автордың ұсынған жаңа шешімдері бойынша дәлелді болуы, әрі бұрыннан белгілі шешімдермен салыстыра отырып, сын тұрғысынан бағалануы керек.

Қолданбалы мәні бар диссертацияда автор алған ғылыми нәтижелердің практикада қолданылуы туралы мәліметтердің келтірілуі, ал теориялық мәні бар диссертацияда ғылыми тұжырымдарды пайдалану жөнінде ұсыныстар болуы қажет .

Қазақстан Республикасында диссертациялардың жазылуы мен көпшілік алдында қорғалуының мемлекеттік немесе ресми қолданыстағы орыс тілінде жүзеге асырылуы мүмкін .

Диссертациялардың ресімделуі баспасөзге жіберілетін ғылыми жұмыстарға қойылатын талаптарға сәйкес болуы қажет.

Диссертациялар қорғау жөніндегі құжаттама Қазақстан Республикасының МАК-ына мемлекеттік немесе ресми қолданыстағы орыс тілінде тапсырылады.

15. Диссертациялардың тақырыптары, әдетте, ұйымдардың негізгі ғылыми-зерттеу жұмыстарының жоспарларымен, ең алдымен, ұлттық мемлекеттік бағдарламаларды, сондай-ақ республикалық және аймақтық нысаналы ғылыми және ғылыми-техникалық бағдарламаларды әзірлеумен байланысты болуға, әрі оларды ұйымдардың ғылыми (ғылыми-техникалық) кеңестері әрбір ізденуші үшін дербес бекітіп беруге тиіс.

16. Диссертациялардың негізгі ғылыми нәтижелері Қазақстан Республикасының МАК-ы бекіткен тізбе бойынша ғылыми басылымдарда жариялануы керек .

Диссертацияның негізгі ғылыми нәтижелерін бейнелейтін жарияланған жұмыстарға өнертабысқа, өнеркәсіптік үлгілерге алдын ала берілген патенттер,

өнертабысқа, пайдалы модельдер мен өнеркәсіптік үлгілерге берілген патенттер, авторлардың ресми куәліктері, белгіленген тәртіппен тіркелген алгоритмдер; мемлекеттік ғылыми-техникалық ақпарат жүйесінің мекемелерінде сақтауға алынған және ғылыми журналдарда түсініктемелер берілген жұмыстардың қолжазбалары, препринттер, халықаралық және республикалық ғылыми съездерде, конференцияларда, симпозиумдар мен семинарларда жасалған баяндамалардың жарияланған тезистері теңестіріледі.

17. Диссертациясын жазған кезде ізденуші өзі материалдарын немесе жекелеген нәтижелерін алып отырған авторларға және мәнбелерге сілтемелер ж а с а у ғ а м і н д е т і .

Авторын және мәнбесін көрсетпей бөтен материалдарды пайдаланған жағдайда, талқыдан өтуінің қай тұсында екенінен қарамастан, диссертация қараудан алынады, әрі қайталап қорғау құқығынан айырылады.

IV. Диссертациялық кеңестер

18. Диссертациялық кеңестер ғылыми дәрежелер беру жөнінде жоғары білікті ғылыми және ғылыми-педагог кадрларды аттестациялаудың мемлекеттік жүйесіндегі негізгі буын болып табылады және оларды тиісті білім саласында өзінің жетістіктерімен кеңінен танылған мемлекеттік және білім беру саласындағы қызметке лицензиялары бар жеке жоғары орындарында, ғылыми және соларға теңестірілген ұйымдарда тиісті министрліктер мен ведомстволардың өтініштерінің негізінде Қазақстан Республикасының МАК-ы қ ұ р а д ы .

Диссертациялық кеңестер диссертацияларға жасалған сараптаулардың және ізденушілердің тиісті даярлық бағдарламаларын орындау нәтижелеріне берілген бағалардың сапасы мен объективтілігі, қабылданған шешімдерінің негізділігі үшін жауап береді және аттестациялау кезінде жоғары талапшылдық деңгейін қ а м т а м а с ы з е т у г е м і н д е т т і .

Диссертациялық кеңесті жасақтау мен оның қызметін ұйымдастыру тәртібі Қазақстан Республикасының МАК-ы бекітетін Диссертациялық кеңес туралы е р е ж е м е н а н ы қ т а л а д ы .

19. Қазақстан Республикасының МАК-ы диссертациялық кеңестердің қызметін үнемі бақылап, саралап отырады, қажет болған жағдайларда Ғылыми қызметкерлер мамандықтары номенклатурасының өзгеруін және басқа жағдаяттарды ескере отырып, олардың желісі мен дербес құрамын қайта қарайды .

Осы Ереже мен Диссертациялық кеңес туралы ереже талаптарының бұзылғаны анықталған жағдайда Қазақстан Республикасының МАК-ы

диссертациялық кеңестің жұмысын уақытша тоқтата тұрады немесе оны толығымен таратып жібере алады.

20. Диссертациялық кеңестер Қазақстан Республикасы МАК-ының басшылығымен жұмыс жүргізеді, ағымдағы қызметінің мәселелері жөнінен өздері ішінде құрылған ұйымдардың басшыларына қарасты болады, әрі осы ұйымдардың мөрлерін пайдаланады. Ұйымдардың басшылары диссертациялық кеңестердің жұмысына қажетті жағдайлар туғызылуы үшін жауап береді.

21. Мемлекеттік ұйымдарды диссертацияларды рецензиялауға, ресми оппоненттер мен диссертациялық кеңестердің ғылым хатшыларының еңбегіне ақы төлеуге, авторефераттарды бастыруға қажетті қаражатпен қамтамасыз ету белгіленген тәртіппен Қазақстан Республикасының МАК-ы арқылы республикалық бюджеттің есебінен қамтамасыз етіледі. Диссертацияларды қарау мен қорғауға байланысты бұдан басқа да шығыстарды төлеу диссертациялық кеңестерді құрған ұйымдардың өздеріне жүктеледі.

V. Диссертациялық кеңестердің жұмысын ұ й ы м д а с т ы р у

22. Диссертациялық жұмыс орындалған ұйым өзінде диссертацияның мамандығы бойынша диссертациялық кеңес болмаған жағдайда, ізденуші өтініш жасағаннан кейінгі 2 айдың ішінде тиісті диссертациялық кеңеске:

ғылыми дәреже ізденушінің тиісті даярлық бағдарламасын орындау қорытындыларын алдын-ала бағалау материалдарын;

ұсынылған диссертацияға берілген диссертацияда баяндалған нәтижелердің алынуына автордың жеке өзінің нақтылы қатысуын, жүргізілген зерттеулер нәтижелерінің анықтығы деңгейін, оның жаңалығын, ішкі сабақтастығы мен өзекті проблеманы, теориялық немесе қолданбалы міндетті шешуге бағытталуын , автор жариялаған жұмыстарда диссертация материалдардың толық баяндалуын бейнелейтін қорытындыны жібереді. Қорытындыда диссертация орындалған мамандық көрсетілуі керек.

Ұйымның басшысы осы аталған алдын ала сараптаудың сапасы, объективтілігі және дайындау мерзімі үшін жауап береді.

23. Диссертациялық кеңес диссертацияны алдын ала сараптау материалдарын , ізденушінің тиісті даярлық бағдарламасын орындау қорытындыларын алдын ала қарауға Қазақстан Республикасының МАК-ы белгілеген тізбе бойынша құжаттары болған жағдайда қабылдап алады.

Диссертациялық кеңесте диссертацияны алдын ала сараптау материалдары мен ізденушінің тиісті даярлық бағдарламасын орындау қорытындыларын қараудың рәсімі Диссертациялық кеңес туралы ережеде белгіленеді.

24. Ғылыми ұйымдардың, жоғары оқу орындарының басшылары мен олардың орынбасарларына өздерінің негізгі жұмыс орындарындағы диссертациялық кеңестерге диссертациялар қорғауға рұқсат етілмейді.

Мемлекеттік өкімет органдары аппаратының басшы қызметкерлеріне өздері жұмыс істейтін органға қарасты ұйымдардағы диссертациялық кеңестерде диссертациялар қорғауға рұқсат етілмейді.

25. Диссертация бірнеше мамандықтардың тоғысында орындалған, әрі диссертациялық кеңеске олардың бәрінен бірдей диссертация қорғату құқығы берілмеген жағдайда, Қазақстан Республикасының МАК-ы бір жолғы қорғауды ұйымдастыру үшін тиісті рұқсат береді және кеңестің құрамына болмай отырған мамандықтар бойынша ғылым докторларының қажетті санын енгізеді.

26. Диссертациялық кеңес ізденушінің құжаттарын қарауға қабылдап алады және құжаттарды қабылдап алған күннен (жазғы демалыс кезеңін есепке алмай) бастап, кандидаттық диссертация үшін екі айдан, ал докторлық диссертация үшін үш айдан кешіктірмей диссертация қорғау мерзімін белгілейді немесе сол мерзімде ізденушіге диссертацияны қорғауға қабылдаудан бас тартатыны жөнінде дәлелді жазбаша қорытынды береді.

27. Диссертациялық кеңестің рұқсатымен докторлық диссертация бойынша екі баспа табаққа, ал кандидаттық диссертация бойынша бір баспатабаққа дейінгі көлемде диссертациялардың қолжазба құқығындағы авторефераттары бастырылып шығарылуға тиіс. Егер автореферат қазақ тілінде жазылса, онда оған орыс және ағылшын тілдерінде түйіндеме, ал орыс тілінде жазылса, онда тиісінше қазақ және ағылшын тілдерінде түйіндеме жасалады (түйіндеме автореферат көлеміне енгізілмейді).

Авторефератта диссертацияның негізгі идеялары мен тұжырымдары баяндалып, автордың жүргізілген зерттеулерге қосқан үлесі, зерттеулер нәтижелерінің жаңалығы, теориялық және практикалық мәнділігі көрсетілуге тиіс. Диссертацияның авторефераты баспахана тәсілімен немесе көбейткіш аппараттарда диссертациялық кеңес белгілеген санда бастырылып, диссертация қорғаудың алдында бір айдан кешіктірілмей таратылады. Автореферат жіберілуге тиіс адресаттар тізімін диссертацияны қорғауға қабылдап алған диссертациялық кеңес анықтайды. Бұл тізімге Қазақстан Республикасының МАК-ы, диссертацияның бейініне орайлас диссертациялық кеңестер, мүдделі ұйымдар, жетекші ғылымдар мен диссертациялық кеңес мүшелері енгізіледі.

Авторефераттар міндетті түрде жіберілуге тиіс ұйымдардың тізбесін Қазақстан Республикасының МАК-ы белгілейді.

28. Ізденушінің "Қызмет бабында пайдалану үшін" белгісі бар тиісті даярлық бағдарламасын орындау қорытындыларын алдын ала сараптау материалдарын қарау мен диссертация қорғаудың тәртібі Қазақстан Республикасының МАК-ның

жеке нұсқаулығымен айқындалады.

29. Диссертацияның бір данасы мен авторефераттың екі данасы қорғау алдында бір айдан кешіктірілмей диссертациялық кеңес жұмыс істейтін ұйымдағы кітапханаға тапсырылып, онда қолжазба құқығында сақталады.

30. Диссертациялық кеңестер диссертация бойынша ғылымның осы саласындағы білікті ғалымдардың ішінен ресми оппоненттер тағайындайды.

Докторлық диссертация бойынша үш ресми оппонент - ғылым докторлары тағайындалады, бұл ретте олардың біреуі (айрықша жағдайларда - екеуі) ғана қорғау өткізілетін диссертациялық кеңестің мүшесі болуға тиіс.

Кандидаттық диссертация бойынша екі ресми оппонент тағайындалады, олардың біреуі ғылым докторы, ал екіншісі - ғылым докторы немесе кандидаты болуға тиіс, бұл ретте олардың біреуі қорғау өткізілетін кеңестің мүшесі болуға т и і с .

31. Қазақстан Республикасының МАК-ы Пленумының, Төралқасының мүшелері, аппаратының қызметкерлері, диссертация қаралып отырған сарапшы және диссертациялық кеңестердің төрағалары, төрағаларының орынбасарлары және ғалым хатшылары, ізденушінің ғылыми жетекшілері мен консультанттары, ізденушінің диссертация тақырыбы бойынша жарияланған жұмыстарына бірге автор болған адамдар, сондай-ақ жетекші ұйымдардың қызметкерлері және диссертация орындалған немесе ізденуші мен оның ғылыми жетекшісі (консультанты) істейтін ұйымдардың басшылары ресми оппоненттер бола а л м а й д ы .

Сарапшы кеңестің мүшесі ресми оппонент болып кеңестің келісімін және Қазақстан Республикасының МАК-ы басшылығының шешімі бойынша ғана т а ғ а й ы н д а л а д ы .

32. Ресми оппоненттер диссертациялық кеңесте алынған тақырыптың өзектілігін, диссертацияда қорытылған ғылыми қағидалардың, тұжырымдар мен ұсыныстардың негізділігі мен деңгейін, олардың анықтығы мен жаңалығын, ішкі сабақтастығы мен басым проблемаларды, теориялық немесе қолданбалы міндеттерді шешуге бағытталуын, білдіретін, сондай-ақ диссертацияның осы Ереже талаптарына сәйкестігі дәрежесіне байланысты тұжырымы бар диссертация жөніндегі жазбаша пікірін береді. Ресми оппоненттер пікірлерінің көшірмелері диссертация қорғаудан кемінде он күн бұрын ізденушіге т а п с ы р ы л а д ы .

Диссертациялық кеңес ресми оппонентке белгіленген талаптарға сай келмеген жағдайда, пысықтауы үшін пікірін қайтарып беруге немесе ресми оппонентті ауыстыруға хақылы. Егер диссертациялық кеңес ресми оппоненттің пікірін қайтарып берсе немесе ресми оппонентті ауыстырса, онда ол осы Ереженің талаптарына сәйкес қорғаудың жаңа мерзімін белгілейді.

Ресми оппонент дайындаған пікірінің объективтілігі мен сапалылығы үшін, сондай-ақ оны табыс етудің диссертациялық кеңес белгілеген мерзімінің сақталуы үшін жауап береді.

33. Диссертациялық кеңестер диссертациялар бойынша ғылым мен ел экономикасының тиісті салаларында өздерінің жетістіктерімен кеңінен танылған жетекші ұйымдарда тағайындайды.*

* - Докторлық диссертациялар бойынша жетекші ұйымдар, әдетте, қорғалатын диссертация мамандығы жөнінен ғылым докторлары жұмыс істейтін ұйым болуға тиіс.

Жетекші ұйымның пікірінде диссертация авторы алған нәтижелерге объективті баға беріледі, жұмыста орын алған кемшіліктер атап көрсетіледі. Пікірде міндетті түрде диссертацияның нәтижелері мен тұжырымдарын пайдалану жөнінде нақтылы ұсыныстар болуға тиіс.

Жетекші ұйымның пікірін оның басшысы немесе басшысының орынбасары бекітеді, олар пікірдің сапасы мен объективтілігі үшін дербес жауап береді.

Жетекші ұйым пікірінің көшірмесі диссертация қорғау алдында кемінде он күн бұрын ізденушіге табыс етіледі.

Диссертациялық кеңес жетекші ұйымның пікірін, егер ол белгіленген талаптарға сай келмесе, дәйектеу үшін қайтаруға немесе осы Ереженің талаптарына сәйкес қорғаудың жаңа мерзімін белгілей отырып, жетекші ұйымды ауыстыруға х а қ ы л ы .

34. Ресми оппоненттер де және жетекші ұйым да теріс пікір бергеніне қарамастан, диссертациялық кеңес ізденуші тілек білдірсе, диссертация қорғауға тағайындауға т и і с .

35. Ізденушінің диссертацияның негізгі ғылыми нәтижелерін бейнелейтін жұмыстары жарияланғаннан кейін докторлық диссертация қорғау екі айдан, ал кандидаттық диссертация қорғау бір айдан ерте өткізілуге тиіс емес.

Диссертация бойынша жарияланған негізгі жұмыстарды ізденуші диссертациялық кеңеске ұсынады. Бұларда диссертация материалдарының толық баяндалуын диссертацияны алдын ала сараптау барысында диссертациялық к е ң е с а н ы қ т а й д ы .

36. Диссертациялық кеңес отырысы, егер оның жұмысына құрамының кемінде үштен екісі қатысқан жағдайда, әрі қорғалатын докторлық диссертацияның әр мамандығы бойынша кемінде үш ғылым докторы және қорғалатын кандидаттық диссертацияның әр мамандығы бойынша кемінде екі ғылым докторы міндетті түрде қатысса, құқықты болып саналады.

Диссертациялық кеңестің ғылыми дәреже беру мәселесі жөніндегі шешімі, егер оны жақтап кеңес құрамының тізімдегі мүшелерінің жартысынан астамы

дауыс берсе он шешім болып саналады.

37. Диссертацияны көпшілік алдында қорғау ғылыми пікірсайыс сипатында болуға тиіс, әрі жоғары талапшылдық, принципшілік және ғылыми этика нормаларын сақтау жағдайында өткізілуге тиіс, бұл ретте диссертация баяндалған ғылыми және практикалық сипаттағы барлық тұжырымдар мен ұсыныстардың анықтығы мен негізділігі барынша байыпты тұрғыдан талдануы к е р е к .

Көпшілік алдында қорғауға ғылыми оппоненттер міндетті түрде қатысуға тиіс. Докторлық диссертация қорғауды өткізуге диссертация жөнінде оң пікір берген ресми оппоненттердің біреуі ғана дәлелді себеппен қатыса алмай қалғанда , рұқсат етіледі. Мұндай жағдайда диссертациялық кеңеске қатыса алмаған оппоненттің пікірі толығымен жария етіледі.

38. Ізденушінің тиісті даярлық бағдарламасын орындау қорытындысын талқылау және диссертация қорғау кезіндегі диссертациялық кеңес отырысын өткізу рәсімін, соның ішінде жасырын дауыс беру мен санақ комиссиясы жұмысының тәртібін Диссертациялық кеңес туралы ереже белгілейді.

Жасырын дауыс беруден кейін диссертация қорғау нәтижелері бойынша оң шешім қабылданған жағдайда диссертациялық кеңес ашық дауыс беру арқылы ғылыми дәреже ізденушіні аттестациялау туралы қорытынды шығарады.

Қ о р ы т ы н д ы д а :

ғылыми дәреже ізденушілердің тиісті даярлық бағдарламаларын орындау нәтижелеріне берілген баға;

алынған тақырыптың өзектілігін, жүргізілген зерттеу нәтижелерінің жаңалығы мен анықтығын, олардың ішкі сабақтастығы мен басым проблеманы, теориялық немесе қолданбалы міндеттерді шешуге бағытталуын, автор жариялаған жұмыстарды диссертация материалдарының толық баяндалуын бейнелейтін диссертация жөніндегі қорытынды;

ізденушінің тиісті даярлық бағдарламасын орындау нәтижелері мен оның диссертациясының осы Ереже талаптарына сәйкестігінің деңгейі туралы тұжырым келтіріледі.

39. Диссертация қорғау нәтижелері бойынша оң шешім қабылдаған жағдайда, диссертацияның екінші данасы түптелмеген күйінде авторефератпен және диссертацияның белгіленген үлгідегі есеп кәртішкесінің екі данасымен бірге шағын фильмге түсіру және мемлекеттік тіркеу үшін бір апта ішінде Қазақ мемлекеттік ғылыми-техникалық ақпарат ғылыми-зерттеу институтында (Қ а з м е м Г Т А И) жіберіледі.

Диссертациялық кеңес диссертация қорғалғаннан кейін бір ай мерзім ішінде Қазақстан Республикасының МАК-ына диссертацияның бірінші данасы мен ізденушінің аттестациялық ісін жібереді. Ізденушінің аттестациялық ісінің екінші

данасы он жыл бойы диссертациялық кеңесте сақталады. Ізденушілердің аттестациялық істерін ресімдеу Қазақстан Республикасының МАК-ы белгілеген т ә р т і п п е н жү р г і з і л е д і .

Диссертация қорғау нәтижелері бойынша диссертациялық кеңес теріс шешім шығарған ретте ізденушіге диссертацияның бір данасы мен авторефераттан, отырыс стенограммасы мен дауыс беру бойынша шешіммен басқа барлық құжаттар қайтарылады, қалдырылғандары кеңесте он жыл бойы сақталады және сұрау салуға орай қайталап қорғау орнына жіберілуі мүмкін.

Диссертациялық кеңестің теріс шешімі туралы Қазақстан Республикасының МАК-ына қорғау өткізілген күннен кейін бір ай мерзімде жазбаша хабарланады.

40. Нәтижелері бойынша диссертациялық кеңес теріс шешім шығарған диссертация теріс шешім шығарылған күннен бастап, бір жыл өткеннен кейін ғана өңделген күйінде қайталап қорғауға ұсынылуы мүмкін, Диссертация бойынша теріс шешімді Қазақстан Республикасының МАК-ы шығарған болса, ол қайталап қорғауға нақ осындай шарттармен ұсынылуы мүмкін. Қайталап қорғауға Қазақстан Республикасының МАК-ының рұқсаты талап етілмейді. Қайталап қорғау кезінде ресми оппоненттер құрамы толығымен ауыстырылуға т и і с .

VI. Қазақстан Республикасының МАК-ында ғылыми дәреже ізденушілердің аттестациялық істерін қарау

41. Ғылыми дәреже ізденушілердің даярлығының, олардың диссертацияларының деңгейіне, диссертациялық кеңестердің жұмысына бақылау жасауды, сондай-ақ ғылыми дәрежелер беруге аттестациялау кезінде қойылатын талаптардың бірлігін қамтамасыз етуді Қазақстан Республикасы МАК-ның сарапшы кеңестері жүзеге асырады.

Сарапшы кеңес ғылыми дәреже ізденушілердің аттестациялық істері жөніндегі өз қорытындысының сапасы мен объективтілігі үшін жауап беретін б о л а д ы .

Егер сарапшы кеңес диссертация қорғау кезінде диссертациялық кеңесте сараптаманың сапасыз жүргізілгенін немесе диссертациялық кеңес шешімінің жеткілікті дәлелденбегенін анықтайтын болса, онда сарапшы кеңес диссертацияны аттестациялық ісімен бірге бұлардың осы Ереже талаптарына сәйкестігі туралы мәселені қайта қарату үшін басқа диссертациялық кеңеске жібере алады .

Диссертациялық кеңестің қосымша қорытынды беруге жіберілген диссертацияны қарау кезіндегі отырысын өткізудің рәсімін Диссертациялық кеңес туралы ереже белгілейді .

Диссертациялық кеңестің осы Ереженің 38-тармағына сәйкес қабылдаған қорытындысы жеткілікті дәлелденбесе, онда сарапшы кеңес пысықтау үшін оны диссертациялық кеңеске қайтаруға хақылы. Мұндай жағдайда ізденушінің диссертациялық кеңестің отырысына қатысуы шарт емес.

Қажетті жағдайларда сарапшы кеңес өзінің отырыстарына ізденушілерді, диссертация қорғау өткізілген немесе оны ұжымдық рецензиялау жүргізілген диссертациялық кеңестердің басшыларын, ресми оппоненттерді, ғылыми жетекшілерді (консультанттарды), сондай-ақ жетекші ұйымның өкілдерін шақырады.

Сарапшы кеңес пен диссертация қорғау өткізілген немесе оны ұжымдық рецензиялау жүргізілген диссертациялық кеңестердің пікірлері үйлеспеген ретте, түпкілікті шешімді Қазақстан Республикасының МАК-ының төралқасы қабылдайды.

Ізденушінің өзінің аттестациялық ісінің (сарапшы кеңес қорытындысының жобасы мен арнаулы сарапшының қорытындысынан басқа) барлық материалдарымен бұл жөнінде Қазақстан Республикасының МАК-ы шешім қабылдағаннан кейін танысуға құқығы бар. Сарапшы кеңестердің жұмыс тәртібін Қазақстан Республикасының МАК-ы бекітетін Сарапшы кеңес туралы ереже айқындайды.

42. Қазақстан Республикасының МАК-ында ғылым докторы және кандидаты ғылыми дәрежесін беру жөніндегі диссертациялар мен аттестациялық істерді қарау мерзімі тиісінше алты және үш айдан (сарапшы кеңес мүшелерінің жазғы демалыс кезеңін есепке алмағанда) аспауға тиіс.

Диссертацияларға қосымша сараптау жүргізу және аттестациялық істерге баға беру үшін неғұрлым ұзақ мерзімді талап ететін ерекше жағдайларда осы мерзімдерді ұзарту туралы мәселені әрбір нақтылы іс бойынша Қазақстан Республикасының МАК-ы шешеді. Сараптау мен аттестациялық істерге баға беру мерзімінің ұзартылу себептері туралы диссертация қорғау өткізілген диссертациялық кеңес хабардар етіледі.

43. Диссертация мен аттестациялық істер құжаттарындағы диссертациялық кеңестермен Қазақстан Республикасының МАК-ы қарау барысында анықтаған кемшіліктерді олардың рұқсатынсыз түзетуге жол берілмейді.

Ізденуші диссертацияны оның қаралуының кез келген кезеңінде диссертациялық кеңесте жасырын дауыс беру басталғанға дейін, ал Қазақстан Республикасының МАК-ында - ғылым докторы ғылыми дәрежесін беру туралы шешім қабылдағанға немесе диссертациялық кеңестің ғылым кандидаты ғылыми дәрежесін беру туралы шешім бекітілгенге дейін қараудан алуға хақылы.

44. Диссертациялық кеңестің немесе Қазақстан Республикасының МАК-ының ізденушінің жазбаша өтініші бойынша диссертациялық қараудан алып тастау

туралы шешімі түпкілікті болып табылады. Диссертация қараудан алынғаннан кейін ол жаңа жұмыс ретінде қорғауға бір жыл өткеннен соң ғана ұсыныла алады

VII. Ғылыми атақтар беру

45. Профессор ғылыми атағы:

кемінде он жыл ғылыми және ғылыми-педагогтік жұмыс стажы бар, жоғары әдістемелік және ғылыми деңгейде лекциялар оқитын, диссертация қорғағаннан кейін жарияланған ғылыми еңбектері мен педагогтік практикада тиімді пайдаланылып жүрген оқу-әдістемелік құралдары бар немесе кемінде екі ғылым кандидатын даярлаған жоғары оқу орындарында істейтін ғылым докторларына;

кемінде он жыл ғылыми және ғылыми-педагогтік жұмыс стажы бар, диссертация қорғағаннан кейін жарияланған, басым теориялық немесе қолданбалы міндеттердің шешімін ұсына алатын ғылыми еңбектері бар, сондай-ақ кемінде екі ғылым кандидатын даярлаған ғылыми және соларға теңестірілген ұйымдарда істейтін ғылым докторларына беріледі.

Профессор ғылыми атағы айрықшылық ретінде:

жоғары оқу орындарында өз мамандығы бойынша кемінде 15 жыл істейтін, доцент ғылыми атағы, жаңашылдығымен көзге түсетін жарияланған ғылыми еңбектері, педагогтік практикада тиімді пайдаланылып жүрген оқу-әдістемелік құралдары бар, әрі халықаралық конкурстардың кемінде 3 лауреатын (дипломантын) даярлаған Қазақстан Республикасының халық артистеріне, еңбек сіңірген артистеріне, өнер саласындағы еңбек сіңірген қайраткерлеріне;

өз мамандығы бойынша кемінде 15 жыл жаттықтырушылық және ғылыми-педагогтік жұмыс стажы, доцент ғылыми атағы, жаңашылдығымен көзге түсетін жарияланған ғылыми еңбектері, педагогтік практикада тиімді пайдаланылып жүрген оқу-әдістемелік құралдары бар, әрі өзіне доцент ғылыми атағы берілгеннен кейін біліктілігі жоғары спортшылар (Олимпиадалық ойындардың және әлем чемпионаттарының чемпиондарын, жүлдегерлерін) даярлаған "Қазақстан Республикасының еңбек сіңірген жаттықтырушысы" атағы
б а р ж а т т ы қ т ы р у ш ы л а р ғ а ;

кемінде он жыл ғылыми және ғылыми-педагогтік жұмыс стажымен кемінде бес жыл жоғары оқу орындарының басшысы (ректорлары, проректорлары) болып ойдағыдай жұмыс істеп келе жатқан, негізгі пәндер бойынша жоғары ғылыми-әдістемелік деңгейде лекциялар оқитын, диссертация қорғағаннан кейін басым теориялық немесе қолданбалы міндеттердің шешімін ұсына алатын жарияланған ғылыми еңбектері бар, әрі жоғары оқу орындары үшін Қазақстан Республикасының Білім министрлігі оқулық ретінде ұсынған, өзі ғана жазған

кемінде бір оқулығы бар немесе өздігінен кемінде екі ғылым кандидаты даярлаған ғылым кандидаттары - доценттерге беріледі.

46. Доцент ғылыми атағы кемінде бес жыл ғылыми және ғылыми-педагогтік жұмыс стажымен жоғары оқу орындарында істейтін, диссертация қорғағаннан кейін жаңашылдығымен көзге түсетін жарияланған ғылыми еңбектері, педагогтік практикада тиімді пайдаланылып жүрген оқу-әдістемелік құралдары бар ғылым кандидаттарына беріледі.

Доцент ғылыми атағы айрықшылық ретінде: жоғары оқу орындарында өз мамандығы бойынша кемінде бес жыл істейтін, жаңашылдығымен көзге түсетін ғылыми еңбектері, педагогтік практикада тиімді пайдаланылып жүрген оқу-әдістемелік құралдары бар, әрі халықаралық немесе республикалық конкурстардың кемінде 2 лауреатын (дипломантын) даярлаған Қазақстан Республикасының халық артистеріне, еңбек сіңірген артистеріне, өнер саласындағы еңбек сіңірген қайраткерлеріне;

өз мамандығы бойынша кемінде он жыл жаттықтырушылық және ғылыми-педагогтік жұмыс стажы, жаңашылдығымен көзге түсетін жарияланған ғылыми еңбектері, педагогтік практикада тиімді пайдаланылып жүрген оқу-әдістемелік құралдары бар, әрі біліктілігі жоғары спортшылар (Бүкіл дүниежүзілік универсиадалардың чемпиондарын, студенттер арасынан әлем чемпиондарын, әлем біріншіліктерінің, Азия ойындарының чемпиондарын) даярлаған "Қазақстан Республикасының еңбек сіңірген жаттықтырушысы" атағы бар жаттықтырушыларға беріледі.

47. Ғылыми атақ беру туралы ғылыми (ғылыми-техникалық) кеңестің алдында кафедра, бөлім ұжымдарының және т.б. пікірлері ескеріле отырып, ізденушінің өз ыждаһатымен өтініш жасалуы мүмкін.

48. Кеңестің ғылыми атақ беруге ұсыну туралы шешімі жасырын дауыс беру жолымен қабылданады.

Кеңестің отырысы, егер оның жұмысына тізімдегі құрамының кемінде үштен екісі қатысқан жағдайда, құқықты болып саналады. Ғылыми атақ беру мәселесі жөніндегі шешім, егер оны жақтап кеңес құрамының тізімдегі мүшелерінің жартысынан астамы дауыс берсе оң саналады.

Ғылыми атақ беру жөніндегі тізбесін Қазақстан Республикасының МАК-ы белгілейтін құжаттар Комитетке мемлекеттік немесе ресми қолданыстағы орыс тілінде ұсынылады.

49. Профессор ғылыми атағын беру жөніндегі аттестациялық істер Қазақстан Республикасының МАК-ында төрт айдан аспайтын, ал доцент атағы бойынша екі айдан аспайтын мерзімде (сарапшы кеңес мүшелерінің жазғы демалыс кезеңдерін есепке алусыз) қаралады.

Істерге неғұрлым ұзақ мерзімде сараптау жүргізу талап етілетін айрықша

жағдайларда бұл мерзімдерді ұзарту туралы шешімді әрбір нақты іс бойынша Қазақстан Республикасының МАК-ы қабылдайды.

VIII. Аттестациялық құжаттарды нострификациялау мен ғылыми және ғылыми-педагог кадрларды қайта аттестациялау

50. Қазақстан Республикасы ғылыми дәрежелердің немесе ғылыми атақтардың сайма-сайлығын тану туралы шарттар (келісімдер) жасасқан басқа мемлекеттерде Қазақстан Республикасының азаматтары - ғылыми және ғылыми-педагог қызметкерлер алған ғылыми дәрежелер беру немесе ғылыми атақтар беру туралы құжаттарды нострификациялауды (тенестіруді) ізденуші істейтін ұйым немесе Қазақстан Республикасының МАК-ы белгілеген тізбе бойынша құжаттарын ұсына отырып, ізденушінің өзі берген өтінішке орай Қазақстан Республикасының МАК-ы жүргізеді.

Жекелеген жағдайларда Қазақстан Республикасының азаматтары ғылыми және ғылыми-педагог қызметкерлерге Қазақстан Республикасының экономикалық және гуманитарлық салалардағы интеграцияны тереңдету туралы шарттар жасасқан басқа мемлекеттерге табысталған ғылыми дәреже беру туралы дипломдар және ғылыми атақтар беру туралы аттестаттар қайталап растаусыз-ақ т а н ы л а д ы .

51. Қазақстан Республикасы ғылыми дәрежелердің немесе ғылыми атақтардың сайма-сайлығын тану туралы шарттар (келісімдер) жасаспаған мемлекеттерде берілген немесе алынған ғылыми дәрежелері немесе ғылыми атақтары бар Қазақстан Республикасының азаматтары - ғылыми және ғылыми-педагог қызметкерлерді қайтадан аттестациялауды ізденуші істейтін ұйым немесе Қазақстан Республикасының МАК-ы белгілеген тізбе бойынша құжаттарын ұсына отырып, ізденушінің өзі берген өтінішке орай Қазақстан Республикасының МАК-ы жүргізеді.

Doctor of Science, Doctor of Philosophy ғылыми дәрежелеріне, Professor, Associate Professor ғылыми дәрежелеріне, шер елдердің басқа да ғылыми дәрежелері мен атақтарына Қазақстан Республикасында қабылданған ғылым докторы немесе кандидаты ғылыми дәрежелерінің, профессор немесе доцент ғылыми атақтарының сәйкестігі жоғарыда аталған қайта аттестациялау т ә р т і б і м е н б е л г і л е н е д і .

IX. Дипломдар мен аттестаттарды ресімдеу және табыстау

52. Ізденушіге ғылым кандидаты ғылыми дәрежесін беру туралы шешім диссертациялық кеңес шешім шығарған мезгілден бастап, оны Қазақстан

Республикасының МАК-ы бекіткеннен кейін күшіне енеді. Ізденушіге ғылым докторы ғылыми дәрежесін беру туралы шешім Қазақстан Республикасының МАК-ы осы дәрежені беру туралы шешім қабылдаған мезгілден бастап күшіне е н е д і .

Ізденушілерге профессор, доцент ғылыми атақтарының берілуі Қазақстан Республикасының МАК-ы тиісті шешім қабылдаған мезгілден есептеледі.

53. Ғылым докторы немесе кандидатының дипломын не болмаса профессордың немесе доценттің аттестатын жоғалтқан адамдарға Қазақстан Республикасының МАК-ы жаңа рет нөмірлері бар дубликаттар бере алады.

Өтініш берушінің тегі, аты, әкесінің аты өзгерген жағдайда дипломдар мен аттестаттар жаңасына ауыстырылмайды, мұндай жағдайда дубликаттар толығымен бұрын табысталған дипломдар мен аттестаттарға сәйкес беріледі.

Дипломдар мен аттестаттарды, сондай-ақ олардың дубликаттарын ресімдеу мен табыстау тәртібін өз құзыретіне сәйкес Қазақстан Республикасының МАК-ы б е л г і л е й д і .

Х. Ғылыми дәрежелер мен ғылыми атақтардан айыру (оларды қалпына келтіру)

54. Ғылыми дәрежелер немесе ғылыми атақтар жаңсақтықпен жұмыстарының ғылым мен практика үшін құндылығы жоқ адамдарға берілген, сондай-ақ олардың көшіріп алғаны немесе ғылыми қиянат жасағаны анықталған жағдайда, Қазақстан Республикасының МАК-ы өз құзыретіне сәйкес, әдетте, диссертациялар қорғалған диссертациялық кеңестердің немесе ғылыми атақтар беру туралы өтініш жасаған ғылыми (ғылыми-техникалық) кеңестердің өтініштерінің негізінде оларды бұл дәрежелері мен атақтарынан айыра алады.

55. Ғылыми дәрежелер мен ғылыми атақтарынан айырылған адамдардан осы дәрежелері мен атақтарын Қазақстан Республикасының МАК-ы өз құзыретіне сәйкес, әдетте, бұрын осы ғылыми дәрежелер мен ғылыми атақтардан айыру туралы өтініш жасаған диссертациялық немесе ғылыми (ғылыми-техникалық) кеңестердің өтініштерінің негізінде, егер бұл үшін жеткілікті негіздер болған жағдайда, қалпына келтіруі мүмкін.

Айрықша жағдайларды ескеру талап етілетін, соның ішінде аталған кеңестер қызметін доғарған ретте ғылыми дәрежеден немесе ғылыми атақтан айыру (қалпына келтіру) туралы өтініштер берілген мәселелер, әдетте, Қазақстан Республикасы МАК-ының тапсыруымен басқа кеңестерде қаралады.

Кеңестің отырысы, егер оның жұмысына тізімдегі құрамының кемінде үштен екісі қатысқан жағдайда, құқықты болып саналады. Ғылыми дәрежеден немесе ғылыми атақтан айыру (қалпына келтіру) туралы кеңестің шешімі, егер жасырын

дауыс берудің нәтижесінде кеңес құрамының тізімдегі мүшелерінің жартысынан астамы оны жақтап шықса, қабылданған болып саналады.

Аттестациялау органдары он жылдан астам уақыт бұрын шешім қабылданған ғылыми дәрежелер беру мен ғылыми атақтар берудің негізділігі туралы мәселелерді қарамайдды.

56. Ғылыми дәрежелер мен ғылыми атақтардан айыру (қалпына келтіру) туралы материалдарды Қазақстан Республикасы МАК-ының Төралқасы қарайды.

Ғылыми дәрежелер мен ғылыми атақтардан айыру және оларды қалпына келтіру туралы мәселелерді қарау рәсімін өз құзыретіне сәйкес Қазақстан Республикасының МАК-ы белгілейді.

ХІ. Апелляцияларды қарау

57. Диссертациялық кеңестердің ғылыми дәрежелер беру (қалпына келтіру немесе айыру) мәселелері жөніндегі шешімдеріне мекемелер, ұйымдар, ізденушілер және басқа тұлғалар диссертация қорғалған жердегі диссертациялық кеңестерге және Қазақстан Республикасының МАК-ына шешімдер шығарылған күннен бастап, екі ай мерзімнен кешіктірмей апелляциялар (шешімдерге шағым) береді алады.

Диссертациялық кеңестің қорытындысы мен апелляцияны қарау жөніндегі басқа да материалдар диссертациялық кеңестің отырысынан кейін 10 күн мерзімде Қазақстан Республикасының МАК-ына жіберіледі.

58. Диссертациялық кеңестердің ғылыми дәрежелер беру (қалпына келтіру немесе айыру) мәселелері жөніндегі шешімдеріне берілген апелляциялар бойынша шешімді диссертациялық кеңестердің апелляцияларды қараған материалдары мен Қазақстан Республикасының МАК-ы сарапшы кеңестердің қорытындыларын ескере отырып, Қазақстан Республикасының МАК-ы қабылдайды.

59. Қазақстан Республикасының МАК-ы Төралқасының ғылыми дәрежелер беру (қалпына келтіру немесе айыру) және ғылыми атақтар беру (қалпына келтіру немесе айыру) мәселелері жөніндегі шешімдеріне Қазақстан Республикасының МАК-ына шешімдер шығарылған күннен бастап екі айдан кешіктірмей апелляция беруге болады.

Қазақстан Республикасының МАК-ы Төралқасының осы аталған шешімдеріне, сондай-ақ ғылыми және ғылыми-педагог кадрлары қайта аттестациялау мәселелері жөніндегі шешімдеріне берілген апелляцияларды Қазақстан Республикасының МАК-ы Төрағасының бұйрығы бойынша құрылған апелляциялық

комиссия екі ай мерзімде қарайды.

Апелляциялық комиссияның қорытындысын Қазақстан Республикасы МАК-ының

Төрағасы қарап, бекітеді және ол түпкілікті шешім болып табылады.

60. Осы Ережеде көзделмеген айрықша жағдайларды ескеру талап етілетін мәселелерді Қазақстан Республикасы МАК-ының Төралқасы мен басшылығы шешеді.

Ереже мыналармен келісілді:

1. Ғылым министрлігі - Ғылым академиясы
2. Білім министрлігі
3. Денсаулық сақтау министрлігі
4. Қаржы министрлігі
5. Экономика министрлігі
6. Әділет министрлігі